

बच्चा के काणे बाइबल  
परस्तुति

मनख की चिन्ता मे  
पडबो को आरम्भ



लिखबा हालो: Edward Hughes

व्याख्या करबा हालो: Byron Unger; Lazarus

रूपान्तर करबा हालो: M. Maillot; Tammy S.

अनुवाद करबा हालो: Bro. Warrington E. Lal

परस्तुत करबा हालो: Bible for Children  
[www.M1914.org](http://www.M1914.org)

©2016 Bible for Children, Inc.

लाइसेन्स – थे या कहाणियां की फोटू कापी अर छापाई को काम करवा  
सको छो पण यक शरत छे कि इके ताई बेचेगा कोइने ।



परमात्मा ने सैदी चीजां बणाई, जद  
परमात्मा ने पहल पहल मनख आदम के  
ताई बणायो तो वो उकी लुगाई हव्वा के लारे  
अदन का बाग में राजी खुद्दी से परमात्मा की  
हर बातां मानर रहबा  
लाग्यो। पण एक दन ...





एक सांप ने हव्वा से  
खी क परमात्मा ने इ बाग  
का सैदा फल खाबा के बेई  
थांसे न खी । हव्वा ने विहो  
के म्हा सैदा फल खा सका  
छा पण एक की बेई परमात्मा  
न मना करयो छे । उने कहो  
क जी दन थे उ फल न खा  
लेगा उसी दन मर जावेगा ।  
सांप हंसरर कहबा लाग्यो थे  
कधी न मरोगा ।





पण थां परमात्मा की  
नाई बण जावगा ।  
हव्वा उं रखडा को  
फल खाबा छावछी,  
उने सांप की बाता  
सुणी अर उं फल  
खाव्यो ।



परमात्मा को हुक्म तोडबा के पाछे हव्वा  
ने उ फल आदम के ताई भी खाबा बेई  
दियो । उ बगत आदम न खेहबो चावे  
छो कि न, मूं परमात्मा को  
हुक्म नही तोडूंगो ।





पण जद आदम

ओर हव्वा मे पडग्या तो दोईजणा नाग

तणासा होग्या, फेर वाने अंजीर का पता लेर पंजो बणायो

अर आपणो डी के ताई ढाक्यो फेर दोईजणा परमात्मा

की नजरा से बचबा खातर झाडियां के पाछे छप गया ।



ठंडाई की बख्त संध्या की टेम परमात्मा रोजिना  
वासू मल्बा आवो छो, उ जाणगियो छो ख  
आदम अर हव्वा ने कांई कारनामो करियो छै,  
आदम ने खी यो के यो कारनामो हव्वा न  
करवायो छै अर हव्वा कहबा लागी क यो सांप  
न करवायो छै । परमात्मा ने सर्प के ताय सराप  
दियो । अर उ लुगाई सूं खी क जद  
तू बच्चो जणेगी तने  
घणी पीडा होवेगी ।






आदम तने पाप करयो छै यी  
कारण या धरती कांटा अर  
उंटकटारा पैदा करेगी अर थू  
रोटियां खाबा के कारण गाडो  
पसीनो बहारर कमाई खावेगो ।




परमात्मा ने वां दोनिया के ताई  
उ चोखा बगीचा म सूं भारे  
खाड दिया । वांने पाप करियो  
छो इ कारण जीवण  
देबा हाला परमात्मा  
ने वाके के  
ताई अलग  
खाड दिया ।





परमात्मा ने वांके ताई न्यारा करबा के  
कारणे येक तेज तरराह तरवार बनाई  
अर वांका डील न ढांकबा के कारणे  
चमडा ना कपडा बनाया ।

पण परमात्मा यो  
चमडो कहां  
सूं लायो ?



येक टेम जद आदम और हव्वा भैला हुईया वांके दो संताना पैदा  
हुई एक छोरा नो नाम कैन छे जो खेती करे छे और दुसरा  
छोरा नो नाम हाबिल छे जो बाखरियां चारावे छे ।




येक दन कैन आपणी करसाणी की गाडी कमाई सूं परमात्मा ने  
खुदा करबा कारण चढावो लायो अर हाबिल आपणी भेड बाकरिया  
में सूं येक छोखी गाडर परमात्मा ने चढावा की बेई लायो जिसूं  
परमात्मा घणो खुदा होग्यो ।



परमात्मा कैन का चढावा से खुद को  
छोड़ करणै कैन क ताई घणो रोस  
आव्यो, परमात्मा ने खी क थू सही  
तरीका सँ चढावो चढातो तो चोखो थो  
अर म्हु थारो चढावो न मान लेतो ।



कैन को गुस्सो ठंडो न होयो अर थोडा  
टेम पछे मैदान में जातर उने हाबिल पे  
वार करियो और उने मार डाल्यो ।




परमात्मा ने कैन सूं पूछी अरे थारो  
भाई कठी छे, कैन न खी मूं काई न  
जाणू म्हु उंकी रखवाली थोडी करूं छू ।  
इ कारण परमात्मा न कैन के ताई  
दण्ड दियो ओर उने उकां कारोबार  
सूं न्यारो कर दियो ।






कैन परमात्मा के सामे सूं अलग चली गयो अर  
अलग जारर आदम अर हव्वा की छोरी सूं ब्याव  
करियो अर आपणो घर बणालियो ।



बेगा बेग ही कैन का पोता अर परपोताओ सूं  
आखो शहर भर गियो जिने उने बसायो छे ।



आदम अर हव्वा का परवार भी बैगा बैग बडवा  
लाग्यो, वां टेम में आज की बजांयी मनख्या की  
जीवण जेवडी घणी लाम्बी होवे छी ।



जद वांके बेटो सेत जन्मयो , हव्वा ने परमात्मा सूं खी क  
हे परमात्मा तने इ छोरा न देरर हाबिल की कामी पूरी  
कर दी । सेत परमात्मा माथे घणो बसवास करे छो  
उंकी जीवण जेवडी 912 बरसा ताई चाली अर उंके  
घणा छोरा छोरी पैदा होया ।



जस्या जस्या दन बीतता गिया अर  
मनखा नी तादाद बडबा लागी वस्या  
वस्या मनखिया बगडबा लाग्या । ई  
कारण परमात्मा ने उके ताई खतम  
करबा को विचार  
बणायो ।



सैदा पसु पकसिया अर मनख ने बणार  
परमात्मा घणो दुखी होयो पण येक  
मनख परमात्मा को घणो प्यारो छे ।



इ मन्ख को नाम नूह छे जे सेत का  
परिवार मे सू छे उमें कोइ खोट खाट न  
छी वू धरमी अर परमात्मा के लारा लारा  
चालबा हालो मन्ख छे ।



उ मन्ख न आपणा ताण बेटा के ताई  
परमात्मा को हुक्म मानबो सिखायो ।  
परमात्मा न नूह के कारणे येक घणी  
चोखी और गजब की  
योजना बनायी ।





मनख की चिन्ता मे पडबो को आरम्भ  
बाइबल सूं परमात्मा की वाणी में कहाणी  
मे पायो गियो

उत्पति 3:6

“जे आपणा जीवन में उजालो करे छे ।”

भजन 119:130



स्वतम



बाईबल की या कहाणी आपणे तांइ बतरावे छै क  
परमात्मा जिने आपणे तांइ बणायो, वू चावे छै क आपण उके तांइ जाणा ।

परमात्मा जाणे छै क जे जे गुनाह अर गलत काम आपण करां छा उने वू  
पाप माने छै अर पापा री सजा मौत छै । परमात्मा आपण सू अतरो प्रेम करे छै कि  
उने आपणो एकलो बेटो यीक्षु मसीह न इ दनियां में खंदायो क उ सूली पर चढर  
आपणा पापा री सजा भुगते । यीक्षु मरबा बाद पाछो जीवतो होय गयो अर सरग में  
अपणा घर माई जार बैठ गयो । नद थे यीक्षु परभू पै बसवास करो अर आपणा पापा  
री छमा उसे मांगो त वू थांकी अरज सूणी न थांके मायने रहवेगो अर  
थे भी उके लारां सदा बणियां रहोगा ।

यदि थांने या बसवास छै क या बाता सैदी सांची छै तो परमात्मा सू या बात रखे :  
प्यारा यीक्षु मने बसवास छै क थे ही परमात्मा छो अर मनख बणी ने इ धरती  
माइने अवतार लेई न पधारिया, थाने म्हारा पापा रा खातर आपणी मौत री सजा  
भुगती अर थे पाछे जिन्दा होई गया अब मूं थांसू अरज करू छू क थे म्हारी जीवण  
जेवडी मई आर म्हारा पापा न छमा करो ताकि म्हने नवो जीवण मल सके अर मूं  
हमेसा हमेसा थांके लारा लारा चाल संकू । परभू यीक्षु म्हारी मदद करो क म्हूं थारी  
सैदी आज्ञा न मान सकूं अर थारी संतान बणी न थारे करणे जी सकूं । आमीन

बाईबल पढो अर रोजाना परमात्मा सूं बातां करो । यूहना 3:16

